

## Parksig Eiendomsagent- skap

HUISE — PLASE — PLOTTE  
BESIGHEDE — STANDPLASE  
VIR 'N EERLIKE  
TRANSAKSIE  
SIEN OF BEL  
1486 . . . . . Na-ure 2054  
(Elenaar: G. Schoonhoven.)

# die Wapad

## Le Roux Ateljee

vir al u  
FOTO'S EN FOTOGRAFIESE  
BENODIGHEDE  
asook  
ELEKTRIESE WARE  
SKRYFBEHOEFTE — RADIO'S  
Span en Omlusting van  
Tapeserieë  
Besook ons Ateljee te  
Von Wieflichstraat 33 Tel. 2217

Jaargang XVI

VRYDAG, 11 AUGUSTUS 1961

Nr. 8

OFFISIËLE STUDENTEKOERANT VAN DIE P.U. VIR C.H.O.

## MINISTER BEPLEIT NU WE HOUDING TEENOOR ARBEID OP A.S.B. KONGRES

**DIE DERTIENDE KONGRES VAN die Afrikaanse Studentebond wat tydens die Julie-  
vakansie aan die U.O.V.S. in Bloemfontein plaasgevind het, was in alle opsigte 'n reuse  
sukses**

Verskeie mosies wat aangeneem is, dui op die erns van die studenteleiers van ons volk om die doelstellings van die Bond uit te dra en om te besin oor die plek van die Afrikaner in die huidige tydsgewrig.

Lewendige en prikkelende besprekings is deurgaans gevoer en hoewel kleinere meningsverskille soms opgeduik het, is die kongresverrigtinge gekenmerk deur eenheidstrewing en eenheidsgevoel onder die Afrikanerstudente.

### MIN. BOTHA

Die kongres is amptelik geopen deur Adjunk-minister M. C. Botha wat in sy toespraak ernstige besinning deur die jeug op skool en universiteit oor hul houding t.o.v. arbeid bepleit het.

Mnr. Botha het gesê dat die jeug eintlik geen keuse het nie: hul moet dit aanvaar en uit leef dat die blanke in die Republiek sonder uitstel moet begin om meer van sy werk self te doen.

„Hier het u, wat die jeugleiers van vandag is, 'n uitdaging om die volk met die woord maar veral met die daad voor te gaan. As u daarin slaag sal die geskiedenis dit boekstaaf as 'n positiewe wending wat u gegee het aan die blankes se aanpassings-revolusie binne die proses van ei-soortige ontwikkeling,” het mnr. Botha gesê.

### TOEKOMSTAAK

Ter voorbereiding van sy toekoms-taak moet die mensgelyke verhoog word. Dit kan hoofsaaklik deur studie en arbeid gedoen word. Vir Afrikanerstudente is hierdie sake van wesenlike belang omdat hul dit self moet beoefen en omdat hul die waarheid en die noodsaaklikheid daarvan by almal moet tuisbring.

Miskien word te min besef dat arbeid die eintlike grondslag van menslike bestaan, lewensgeluk en alle kultuur is.

Almal moet so werk dat alle werk

## A.S.B. STEUN R.S.A.

Volmondige steun aan die Staats-president en die Republiek van Suid-Afrika is beleef in die eerste mosie wat tydens die kongres van die A.S.B. in Bloemfontein eenparig aangeneem is.

Die mosie lui: „Die Afrikaanse Studentebond aanvaar die Republiek van Suid-Afrika met groot erkentlikheid en aangesien hierdie Republiek die verwesenliking is van 'n langgekoesterde ideaal en strewing van die Bond, bied die A.S.B. sy volmondige steun aan die Staatspresident en die Republiek van Suid-Afrika en beloof om ooreenkomstig sy doelstellings hierdie Republiek te bevorder en uit te bou ter handhawing van die Christelik-Westerse beskawing in Afrika en die wêreld van vandag.”

so goed moontlik gedoen word. Daar is geen werk wat benede die mens se waardigheid is nie. Daar is ook geen groep mense of ras geskape om net vir 'n ander ras te werk nie.

Mnr. Botha het vervolg dat die wêreld vandag geteister word deur 'n eensydige, onrealistiese en tendensiese liberalisme en dit tref so dat hier in die R.S.A. 'n sterk studentekorps is wat die draers van daardie liberalisme geword het.

Die A.S.B. moet 'n eie oorspronklikheid openbaar en 'n eie boodskap verkondig. Sy dringendste roeping is op die terrein in die Republiek reeds

bekend is vir aktuele wisselwerking en wat eerlank waarskynlik in etlike ander lande ewe aktueel sal word, nl. die betrekkinge tussen rasse.

### BETREKKINGE

In Suid-Afrika sinspeel dit op betrekkinge tussen blank, Bantoe, Kleurling en Asiaat en dit impliseer baie.

In eie blanke kringe is groter eenheid tussen Engels- en Afrikaanssprekende Suid-Afrikaneers eers nodig met 'n simpatieke onderlinge begrip en respek vir mekaar.

Dit beteken aanvaarding van mekaar, geen verwerping, minagting of opslurping van die ander nie. Daarmee word nie die verloëning van enige een van die twee groepe se tale en tradisies bedoel nie.

## Twee Pukke Herkies Op Hoofbestuur

**TWEE PUKKE IS TYDENS die kongres van die Afrikaanse Studentebond in Bloemfontein tot lede van die Hoofbestuur herkies.**

Hulle is mnr. Peet Strydom, direkteur vir studie en navorsing, en Dirk Herbst, direkteur vir rasse-aangeleenthede.

Mnr. Daan van der Merwe van Tukkies is verkies tot die nuwe president van die A.S.B. in die plek van mnr. Hennie van der Walt, wat nie weer verkiesbaar was nie.

Mnr. Pieter Kapp van Stellenbosch

is die nuwe onderpresident van die A.S.B.

Die ander lede van die Hoofbestuur is mnr. André Pienaar (P.O.K.), landsdiens, Tercius Delpont (Stellenbosch), toere, Paul de Beer (U.P.), volks- en kulturele aangeleenthede, Ben Du Toit (U.O.V.S.), publikasies en Afrika-aangeleenthede, en Koos de Wet (U.O.V.S.), sekretaris.

## P.U. en Wits Staan Saam

*Eerskomende Vrydagaand staan die Pukke en die Witsies saam in 'n interuniversitêre debat teen Tukkies en die Natalse Universiteit te Pretoria. Aan beide kante staan daar 'n Afrikaanse sowel as 'n Engelse universiteit.*

*Die onderwerp vir bespreking is: „Demokrasie is uitgedien in die huidige Westerse beskawing.” Die Pukke by monde van mnr. D. A. S. Herbst en P. P. Kruger, saam met die twee verteenwoordigers van Wits sal die standpunt teen die bewering verdedig.*

*'n Totaal van nege Pukke sal die verrigtinge bywoon. Hulle vertrek reeds Vrydagmiddag en bly die nag in Pretoria oor as gaste van die Pretoriase Universiteit.*

## Thalia Trap Diep Spore Vér In R.S.A.

**DIE PUKBUS, VOLGEPAK MET Thalia-toerlede, het tydens die afgelope vakansie diep spore getrap in Noord-Transvaal, Noord-Natal en Noordoos-Vrystaat.**

Altesaam twintig dorpe is besoek en die toer het 'n rekordbedrag opgelewer.

Die toneelstukke—„Pappa het ja gesê” en „Liefde en spelfoute”—het



Piet Venter, toerleier van Thalia. Deurgaans in die smaak van gehore geval. Na verneem word het die



Kotie de Jager, reisvader van Alabama.

die eerste plek is die Potchefstroomse Universiteit aan die buitewêreld bekend gestel en tweedens word die winste van die toere in die boufonds van die Universiteit, met sy steele groeiende behoeftes gestort.

In albei hierdie doelwitte het die Alabama deeglik geslaag, het mnr.

## Alabama Palm Groot Louere In

**DIE ALABAMA STUDENTE-ORKES** het gedurende die wintervakansie 'n baie geslaagde en puik toer deur Noord-Oos Kaapland onderneem. Die toergroep wat uit 26 lede bestaan het, het altesaam 15 opvoerings gelewer waarvan die eerste op Colesberg en die laaste op Venterstad was.

Die musiekblyspel „Deur vier wêrelddele”, geskryf deur mnr. Nesco du Toit, het oral groot byval gevind by die gehore en groot waardering vir die opvoering is dan ook deurgaans ingeoos.

### TWEELEDIG

Soos met alle toere die geval is, word 'n tweeledige doel gedien. In

J. D. Roode, toerleier, in 'n onderhoud verklaar.

### ORGANISASIE

Mnr. Roode praat ook met groot lof van die puik organisasie en reklame wat deur die Noord-Oos Kaaplanners vir Alabama gedoen is. Verskeie uitstappies en braai- en funksies is byvoorbeeld vir die toergroep gereël.

Maar soos elke toer wat deur 'n studentegroep onderneem word, het ook hierdie een sy ligtere aspekte opgelewer. So het Anton Fourie (Prospero) op Steynsburg dramaties sy verskyning voor die gordyn gemaak en die volgende oomblik van die verhoog getuimel. Die gehoor het egter gemeen dat dit deel van die opvoering was.

Moelike situasies bly ook nie uit nie. Op Indwe het 'n direkte stroom veroorsaak dat die smeltdrade uitgebrand het wat tot gevolg gehad het dat heelwat moeilikheid met die beligting ondervind is.

'n Heerlike groepgees het onder die lede van die toer geheers en almal is dit eens dat dit „'n lekker toer was”.

## Engelse Koerant Gesteun

**Die Afrikaanse Studentebond is ten gunste van 'n Engelse koerant wat egter nie deur 'n partypolitieke groep onderneem word nie, lui 'n mosie wat tydens die kongres in Bloemfontein aangeneem is.**

Die kongres het besluit om die hele aangeleentheid op te dra aan die organiseerder van die A.S.B. wat die saak sal ondersoek en verslag sal doen aan die nuwe Hoofbestuur.

'n Verdere mosie wat aangeneem is, lui dat die A.S.B. toetree tot die redaksie van die blad „Nieuws uit Zuid-Afrika” en dit sal uitbou as 'n oorsese publikasie van die Bond.

### IN STAMLANDE

Die A.S.B. beoog om die blad te finansier.

„Nieuws uit Zuid-Afrika” word in Suid-Afrika saamgestel en in Nederland gedruk en daar versprei. Daar is nagenoeg reeds 50,000 gesinne in Nederland en België wat die blad lees. Dit stel hom veral ten doel om die posisie van Suid-Afrika duideliker en objektief aan die inwoners van die stamlande te stel.

## Studentesang -- Plaat van Besondere Gehalte Verskyn

ONGETWYFELD EEN VAN DIE belangrike gebeurtenisse aan studentefront vanjaar, is die verskyning van ons eerste langspeelplaat met studenteliedjies uit eie bodem. Mnr. Charlie Williams kan alleen die hoogste lof ontvang vir sy suksesvolle poging om iets van ons studente-eie blywend vas te lê.

Na aanleiding van plate van ander inrigtings wat in die verlede verskyn het, het baie mense seker skepties gestaan en nie baie geesdrif getoon nie. Die resultaat, egter, het ootseggelik bewys dat daar niks te vrees was nie. Weinig kritiek kan teen enige aspek van die onderneming gerig word.

By almal met wie hy in aanraking gekom het gedurende sy kort verblyf in Potchefstroom verlede jaar, het Stefaans Grové die indruk agtergelaat van oorspronklikheid, 'n briljante musikale begrip en 'n ewe goeie agtergrond. En presies dieselfde indruk kry 'n mens wanneer jy na sy verwerkings van die ou bekende Puk-liedjies luister.

### UITVOERING

Plaas hierby Pieter de Villiers se perfeksionisme en ervaring as koorleier, 'n groep professionele orkeslede onder Anton Hartman se bekwame leiding, en die S.A.U.K. se opname-ateljees en -ingenieurs, dan is die opname noodwendig van 'n baie hoë gehalte.

### OPNAME

Om egter die bandopname in 'n langspeelplaat te omskep, was die taak van die Fakkelsmaatskappy, en die kwaliteit hiervan is 'n laaste verrassing. 'n Verteenwoordiger van Die Wapad het die plaat vir 'n toets na die Puk se erkende hi-fi-outoriteit geneem vir 'n gehaltetoets.

By 'n groefondersoek onder 'n mikroskoop het byvoorbeeld geblyk dat die groefkwaliteit dié van sommige oorsese make ewenaar en selfs oorskrei. En jou mond hang oop wanneer die opname deur 'n goeie audio-sisteen teruggespeel word.

Moet in jou ouderdom nie vergeet dat jy jonk was nie, maar onthou terselfdertyd dat jy nou oud is.—**MELATI VAN JAVA.**

Verveling het deur luiheid in die wêreld gekom.—**LA BRUYÈRE.**

Elke vleier leef ten koste van dié wat na hom luister.—**LA FONTAINE.**

Moet nooit sê: Fonteyntjie, ek sal nooit weer van jou drink nie, want die dors kom wanneer jy nie daarom vra nie.—**SPREEKWOORD.**

## Kwaliteit?

**Inderdaad, my vriend!**

BY

**H. & H. UWELIERS**

KERKSTRAAT 129  
TELEFOON 1031

**FLEURETTE**

SPEZIALE WAARDE

VIR

STUDENTE

Mooi **RUIKERS** en **BLOMME** veral **ROOI ANGELIERE** vir **VERLIEFDES**

Die enigste onderwerp van kritiek (ons kla nie, mnr. Williams, ons sê maar net) is miskien die plaatom-

slag wat nie by die gehalte van die res aanpas nie. In plaas van 'n nie-so-'n-briljante kleurafdruk sou 'n volbladmonotoonafdruk miskien verkieslik wees.

● Veels geluk dus aan die inisiatief van mnr. Charlie Williams om so 'n onderneming aan te pak en met soveel sukses deur te voer.—(J.M.)



## Thalia Sorg Vir Aangename Ontspanning

MET DIE AANBIEDING VAN die twee blyspele—„Pappa het ja gesê” en „Liefde en spelfoute”—onlangs in die Studentesaal, het Thalia aan die groot gehoor 'n paar uur van heerlike genot en ontspanning verskaf.

„Pappa het ja gesê” was beslis die hoogtepunt van die program. Die dialoog was meer natuurlik as die van „Liefde en spelfoute” en het ook meer geleentheid aan die spelers gebied om dit tot ware studentetoneel te maak.

### PIKANT

Nicolean Cramer (Dorothea) en Johan Pepler (dr. Liebrecht) verdien spesiale vermelding. Vanuit die staanspoor het die pikante klein Dorothea haar by die gehoor ingegrawe. Ook die slagter Buldik (Pieter Potgieter) se figuur en bombastiese houding was oortuigend.

Die ander spelers was almal baie seker van hul rolle. Daar was egter sekere dele wat te lank uit-



Johann Pepler as dr. Liebrecht.

teu dateer. Die décor was teleurstellend en 'n baie beter indruk en atmosfeer sou geskep gewees het as daar net 'n bietjie meer moeite daarmee gedoen is. Ook die pruik het uit 'n latere tydperk as die kostuums gedateer.

Die spelers het ook 'n moeilike taak gehad met die dialoog wat effe onnatuurlik was en dis ook die rede waarom Dorante (Fanie du Plessis) en Sylvia (Lydia Strydom) nie so natuurlik was nie—hulle was amper te beheersd.

Die bediendes, Pasquin (Cassie Venter) en Lisette (Ruelle van Zyl) was baie meer natuurlik en het hul rolle goed vertolk.

### LAGBUI

Maar—en dit is 'n groot maar—die spelers, veral dié in „Liefde en spelfoute”, moet waak dat hulle nie die galante karakter van die stuk in die steek laat nie, en dit net ter wille van 'n lagbui van die gehoor wat hulle deur onnatuurlike handeling en onvanpaste woorde wil ontlik nie.

Thalia het 'n aantreklike program aangebied: regte studentetoneel, waarin 'n mens nog vry-uit kan lag sonder om te voel dat jou humorsin aanstoot gee.

● In sy doel om gehore ontspanning aan te bied, het Thalia weldeeglik beslag.—(D.v.d.W.)



Piet Steinberg as Orgon.

gerek was en die gehoor laat besef het dat die stoele maar bra hard was.

Sekere handgebare is hinderlik uitgevoer, veral wanneer oordrewe geaksentueerde gebare gemaak is, of die spelers net nie geweet het wat om met hulle hande aan te vang nie.

### GRIMERING

Die grimering was oor die algemeen baie goed, maar soms het 'n tikkie meer afronding net geskort.

„Liefde en spelfoute” was m.i. nie so 'n groot sukses nie. Die gehoor moes maar net van die galante woorde aflei dat hierdie stuk uit die agttiende

## „Professionele Standaard’ -- Alabamaverrassing

DIE ALABAMA STUDENTE-ORKES het verlede Saterdag vir een van die groot verrassings van die jaar gesorg toe hulle 'n program in nuwe gedaante voor 'n stampvol saal aangebied het.

Die verskeidenheid en tempo van die aanbieding het verseker dat een en almal dié aand terdeë geniet het. Ek het dosente die term „professionele standaard” hoor sê en ek het

tussen; ook die gemak waarmee enige lid van die gehoor, ongeag kultuurontwikkeling of intelligensie, die program kon inneem.

### MORAAL

Die moraal-gedeelte van die storie was hoofsaaklik beperk tot tonele voor die gordyn en het 'n saambindende effek op die tonele gehad. Die hoofrolspelers se spel was bevredigend ten spyte van die hoë eise wat daarin op hul geplaas was (Anton Fourie, Hannes Sauerman, Naas Raubenheimer). Ook Dewald Roode se oortuigende spel het opgeval.

### TONELE

Die Duitse biertuoneel het seepglad afgespeel en was goed afgewerk. Veral het opgeval die gemaklike aanskakeling tussen dialoog en musiek. Die toneel het m.i. hier ook die meeste bevredig.

'n Hoogtepunt in die Skotse toneel was Hettie Oosthuizen se meesterlike vertolking van „Bonnie Mary of Argyle” met die ewe meesterlike klarinetobligaat. Ook het hier opgeval die vaardigheid van Heinie de Wet in die fyn Skotse dansies.

Die Russiese toneel het oulike idees bevat, maar is nie baie fyn



Nesco du Toit, skrywer van „Deur Vier Wêrelddele”.

gesien hoedat lede van die konservatoriumpersoneel die voorsitter van Alabama entoesiasies gelukwens. Die rektor het getoon dat hy besonder beïndruk was.

### PROGRAMVORM

Mnr. Nesco du Toit, wat „Deur Vier Wêrelddele” geskryf het en ook as regisseur opgetree het, het met sy oorspronklikheid en verskeidenheid van idees die toehoorder se bewondering afgedwing, en 'n heeltemal nuwe programvorm laat inslag vind.

Die Alabama het eindelik die enigins gewaagde sprong onderneem—'n idee wat die afgelope paar jaar reeds in mense se gedagtes gebroei het, maar waarvoor nog altyd die inisiatief ontbreek het. Die verskeidenheidskonsert het op hoë ouderdom 'n natuurlike dood gesterf en 'n waardige opvolger gekry.

### TOEKOMS?

Daarmee het mnr. Dewald Roode natuurlik 'n geweldige las op die skouers van toekomstige Alabama-



Naas Raubenheimer as John.

voorsitters geplaas, want hoewel daar reeds gepraat word in die rigting van 'n herhaling van die stuk volgende jaar (met 'n klompie veranderinge en verfyninge), is dit noodsaaklik dat die besondere stuk nie 'n instelling moet word nie—daar sal noodwendig nuwe draaiboek met nuwe materiaal gevind moet word; ook nuwe Nesco du Toit's sal moet ontwikkel (wat maar swaar sal gaan).

Wat die program self aanbetref, was 'n mens se eerste gewaarwording die spontaneïteit van opvolging van items en die uitskakeling van lastige poses of geforseerde applouse daar-



Anton Fourie as Prospero die Townenaar.

ten uitvoer gebring nie, veral ten opsigte van dialoog en toneelspel. 'n Wonderlike atmosfeer is egter verkry met die skemertoneel in „Bayoushchki Bayou” waarin Prospero (Anton Fourie) se vioolkadens gevolg is deur Hettie Oosthuizen en Bennie Bierman se solosing teen 'n effektiewe kooragtergrond.

### VOLKSMUSIEK

Dat die skrywer-regisseur kennis dra van die volksmusiek van ander lande, het uit bg. tonele geblyk. Wat egter duideliker geblyk het, is dat hy die Afrikaner ken; en as dit in die oog gehou word, dan is die laaste toneel geen antiklimaks nie—hy slaan met sy volkspele-agtige bewegings die spyker so reg op die kop; die laaste toneel is so Afrikaans as wat kan kom.

● Die geheelindruk is 'n aangename een. Aan toneelspel moet miskien nog geskaaf word en 'n dissiplinerende ogie oor die koorwerk en danse gehou word, terwyl die décor ook verbeter kan word, maar dit staan vas dat hier 'n yslike stuk pionierswerk verrig is. Mag dit 'n bloeiende tydperk vir hierdie vereniging inlei.—(J.M.)

Net wat hol en leeg is, kan opgeblaas word.—**BAER-OBERDORF.**

Hoe minder klere vroue vandag dra, hoe meer voel hulle aangetrek.—**KARR.**



# AJAX

## *Boeke en Skryfbehoeftes (Edms.) Bpk.*

Kerkstraat 159

Telefoon 3458

---



---

 POTCHEFSTROOM
 

---



---

### SAGTEBAND-BOEKE

Ons het 'n omvattende reeks titels in voorraad om in iedereen se smaak te val.  
Snuffelaars is welkom! Hulle hoef niks ekstra te betaal nie!



### BOEKEDIENS

ENIGE boek wat ons nie in voorraad het nie, bestel ons dadelik vir u uit die buiteland  
(Indien moontlik, verskaf die naam van die uitgewer)



### SKRYFBEHOEFTE

ONS KWALITEIT IS UITSTEKEND!!

ONS PRYSE SAL U SAK PAS!!

---

## Ons Open Rekening vir Alle Studente

---

VIR DIENS EN TEVREDENHEID

Besoek

# AJAX!

Vir daardie hol gevoel  
op die maag . . .

Ons bak die  
HEERLIKSTE

**Vleispasteitjies**



BAKKERY BAKERY  
(EDMS.) BPK.

Kerkstraat 61 Potchefstroom

## UNIE-BAKKERYE

—Bakkers en Banketbakkers—

BROOD, KOEK EN  
PASTEITJIES

vir alle geleenthede

★

Spesialiseer in  
TROU-, VERJAARDAG- EN  
DOOPKOEKE

Fabriek te Potch. en Klerksdorp

## Parksig Eiendoms- agentskap

HUISE, PLASE, PLOTTE,  
BESIGHEDE, STANDPLASE

Vir 'n  
EERLIKE TRANSAKSIE  
sien of bel  
Telefoonnommer

1486 Na-ure 2054

Eienaar . . . G. Schoonhoven

**Onthou  
3091**

Skakel hierdie nommer  
vir  
**diens!**

## DIE BULT APTEEK

TOMSTRAAT 85

Ons spesialiseer in:

★ INNOXA-, LENTHERIC,  
COTY-  
Skoonheidspreparate

★ Egte Franse DANA  
PARFUUM, en

★ Aptekersbenodigdhede

ONDERSTEUN OUD-PUKKE

## BULT GARAGE (Edms.) Bpk.

H/v Tom- en Von Wiellighstraat  
POTCHEFSTROOM

vir

SMERING, PETROL, OLIE,  
REPARASIES en ander be-  
nodigdhede

# die Wapad

## Die A.S.B.-Kongres

DIE dertiende kongres van die Afrikaanse Studentebond in Bloemfontein sal in die toekoms sekerlik aange-teken staan as die kongres waaruit 'n groter eenheidsgevoel en eenheidsop-trede onder Afrikanerstudente selde nog duideliker geblyk het.

Besluite en besprekings het voorts daarop gedui dat die Afrikanerjeug dit erns maak met die vraagstukke van hierdie lande en sy mense en die plek wat die land en sy mense in die internasionale wêreld inneem.

Dit is 'n onomstootlike waarheid dat die student in ons tyd nie meer kan volstaan met plaaslike en nasionale perspektiewe nie. 'n Internasionale bewussyn en kennis en begrip van die internasionale toestand is inderdaad noodsaaklik omdat die voortbestaan en die handhawing van die beskawing aan die suidpunt van Afrika in 'n groot mate afhang van die wyse waarop die blankes toon dat hulle van die wêreld van vandag die nodige kennis het.

### ERNS EN OMVANG

Voordat 'n vraagstuk aangepak kan word, moet daar immers die nodige kennis van die erns en die omvang daarvan bestaan.

Hierdie waarheid geld veral die opgroeiende jeug wat in die toekoms die taak moet oor-neem om die beskawing in

Afrika te handhaaf. Aan die jeug kan nouliks 'n groter onreg aangedoen word as om hom onder die indruk te laat dat hy hom nie hoef te steur aan wat buite die grense van sy land gebeur en dat hy gevolglik ook niks hoef te doen om enige kennis op te doen van die wêreld waarin hy leef nie.

Aangesien studente hoofsaaklik die leiers van more is, moet dit juis die strewe wees om hulle die nodige kennis te laat opdoen.

### BEGINSEL

Eintlik moet dit as beginsel aanvaar word dat elke student, wat sy studierigting ook mag wees, in die geleentheid gestel sal word om kennis te neem van die politieke ver-wikkelinge in die wêreld. Die student wat ingenieur of onderwyser wil word, is nie net 'n individu nie; hy is ook lid van 'n volk en burger van 'n staat. Teenoor volk en staat het hy sekere pligte om te vervul.

Dat die werksaamhede van die A.S.B. vandag gekenmerk word deur 'n doelgerigte strewe om sy deel daartoe by te dra dat die student 'n deeglike besef sal kry van die wêreld waarin hy hom bevind, is dan ook 'n rigting wat nie genoeg geloof kan word nie.

Want eenheid en krag bring oorwinning.

## Geslaagde Toere

GEDURENDE die pas afge-lope vakansie het twee toer-lyggame van die Universiteit deur die hoeke van ons land gereis met die onbaatsugtige doel om die naam van die P.U. vir C.H.O. aan die buitewêreld bekend te stel en terselfdertyd fondse in te samel vir die dringende behoeftes wat bestaan. Dit is 'n edel en veel-eisende taak wat die Thalia Toneelvereniging en die Alabama Studenteorkes hulleself as tradisie opgelê het.

Tog bestaan daar 'n wanbegrip oor die omvang en aard van dié toere en word die arbeid wat in liefde vir die saak verrig is, nie altyd na behore deur die studentegemeenskap waardeur nie. Die gesegde dat geen student werklik 'n student van die P.U. vir C.H.O. kan wees voordat hy of sy nie eers 'n toer meegegaan het, nie, omskryf die ware toedrag van sake en word tog in die spreektaal so verkeerdelik geïnterpreteer.

Aan 'n toer word maklik ge-dink as 'n heerlike vakansie waartydens mens die geleentheid gebied word om jou vaderland van hoek tot kant te deurskryf; kortom, die ideale geleentheid vir die liefhebbers van die natuur om bietjie weg te kom van die drukke beskawing en te ontspan. As dit die houding van toerlede wat as ambassadeurs van die Universiteit optree, was, sou dit 'n baie beter oplossing gewees het

om 'n vakansieburo die lig te laat sien.

### PROPAGANDA

Die propagandawaarde van 'n toer kan nie hoog genoeg waardeur word nie. Alhoewel die naam van ons Universiteit in die meeste dele van ons land geen onbekende meer is nie, is die persoonlike kontak wat die dele waardeur getoer word met die Universiteit verkry, keer op keer versierkend vir die verhouding tot die volk. Daar word gesien hoe studente hulle in die omgewing inpas, hoe hulle gedrag is, hul opvoeding, agtergrond en taal. Veel meer — daar word gesien wie en wat studente van die P.U. vir C.H.O. is; waartoe hulle in staat is.

Juis hierin lê die veeleisende taak: geen toerlid word in sy optrede en gedrag beoordeel volgens sy persoon nie, intendeel, daar word na hom gesien slegs as 'n P.U.-student. Sy eie identiteit verloor hy geheel en al. In elke toerlid word daar 'n besondere vertrouwe gestel om hom of haar die verantwoordelike toe te ken om as ambassadeur van die Universiteit die buitewêreld in te gaan. Hierdie vertrouwe verg van die toerlid ernstige pligsbesef en lojaliteit.

Die kulturele waarde van 'n toer dien nie uit die oog (Vervolg in volgende kolom)

## In A Lig

Lees Openb. 20 : 11-15.—Die laaste Oordeel.

EENMAAL MOET daar 'n dag aanbreek wat die einde van alle tydelik bestaande dinge beteken. Vir ewig kan die dinge nie so aanhou soos dit dag na dag verloop nie. Daar móet 'n dag van finaliteit wees, 'n dag van beslissing, wanneer die mens definitief sal weet wat waar en wat vals is, wie reg en wie verkeerd is.

Die gelese verse teken vir ons daardie dag.

### WIE OORDEEL?

Johannes vertel hier van 'n groot wit troon wat hy gesien het, met iemand wat daarop sit. Hoewel hy geen nadere beskrywing gee van Hom wat daarop sit nie, laat hy tog die gedugte majesteit van die persoon uitkom in die woorde: „Voor Wie se aangesig die hemel en die aarde weggevlug het.”

Hierdie Persoon is dus God, nl. onse Here Jesus Christus, die almagtige Oorwinnaar. Hy het sy stryd met glorie beëindig en sy troon met roem verwerf. Deur die allerdiepste vernedering heen het Hy sy pad gebaan tot dié allesoortreffende heerlikheid.

Eenmaal moes Hy die smaad en die hoon van sy vyande verduur; nou beskik Hy oor elke mens se eindbestemming. Eenmaal moes Hy hang aan die kruis; nou sit Hy as Regter op 'n heerlike troon, en is Hy 'n verskrikking vir die goddelose, maar 'n heerlike verskyning vir die regverdiges.

### WIE WORD GEORDEEL?

Alle mense van alle tye: die grotes, die kleintjies; die aansienlikes en die geringes; die gelowiges en die ongelowiges staan voor die troon.

Adam, die eerste mens, staan daar saam met die jongste gestorwene; die aartsvaders saam met die kinders van die jongste tyd. Geen kind te jonk, geen aartsvader te oud; tiranne en hulle slawe; ministers en hulle mense

(Vervolg van vorige kolom)

verloor te word nie. Aan die buitewêreld moet gebied word iets van ons eie studentekultuur, verrekend vir onself en diegene wat met ons in aanraking kom. Dit op sigself is onbaatsugtige diens wat veel opoffering vereis.

Die aangename deel van elke toer bly egter nie vergeet nie. Daarom dat toerlede na 'n toer met sakkevol herinneringe en verlange weer by die roetine van die studentelewe probeer inpas. Toermaats word gereeld opgesoek en dit ontlok dikwels die kommentaar dat 'n toer-groep 'n geslote groepie vorm. Hoe verkeerd hierdie oordeel is, kan gesien word daaruit dat soets uiters 'n paar maanden volhou. Dit is tog immers reg ook dat persone wat weke lank in mekaar se geselskap verkeer het, weer bymekaar sal wil wees.

### SAAMBINDING

'n Groot invloed word deur toere op die saambinding van die studentegemeenskap uitgeoefen. Hegte vriendskappe word gesluit wat in die meeste gevalle nooit tot niet gaan nie. Deurdat daar elke jaar nuwe gesigte in 'n toer-geselskap verskyn, word die familie steeds uitgebrei en groei tot 'n tradisie wat die geheel aanmekaar bind.

Aan elke student van die P.U. vir C.H.O. het die gees van 'n studentetoer die boodskap om steeds die gees en rigting van u Universiteit uit te leef en waardig te wees. — (Ass.-Red. D.W.)

—almal verskyn om geoordeel word. Geen mens makeer nie!

Hierdie ontsaglike menseskaar he uit die dood verrys. Op die magtige bevel van Jesus Christus het dit gebeur. Hulle siel en liggaam het weer één geword. En nou wag almal saam op die vonnis wat oor elkeen uitgespreek sal word.

### WATTER MAATSTAF?

Die boeke word geopen. Dit is die gewetens. Elkeen word geoordeel na wat in die boeke geskrywe staan, elkeen na sy werke en na wat hy is.

Niemand word geoordeel na sy prestasies liggaamlik of geestelik nie, maar na sy karakter, na sy dade, of dit in God gedoen is. Die vraag is nie: „Watter posisie het jy in die lewe beklee?” nie, maar: „Wat het jy gedoen?”

Eens en vir altyd word aan die ganse mensdom geopenbaar wie en wat 'n persoon is.

Ook na elke woord wat gesê is, en elke onuitgesproke gedagte word daar geoordeel. Maar ook volgens dit wat die mens moes doen en nie gedoen het nie, word geoordeel.

Maar bo alles, en afgesien van die gewete van die mens, is daar die geheue van God! Elke mens se hede en verlede—en sy toekoms!—is vir Hom van ewigheid af bekend.

### DIE UITSLAG

Nou word die ganse mensdom in twee kampe verdeel. Een groep is hulle wie se name geskryf is in die boek van die Lewe. En hierdie boek is 'n boek van genade. Sonder die ewige liefde van God en die soenverdienste van Christus sou daar nooit so 'n boek bestaan het nie. Die ander groep is hulle wie se name nie in hierdie boek verskyn nie.

Die vonnis is dan ook tweërlei: Vir diegene wie se name geskryf is in die boek van die Vader, geld die ewige lewe. Hulle sal deur dieselfde Regter verwelkom word in sy ewige Koninkryk waar hulle God sal prys tot in alle ewighede!

Vir diegene wie se name nie verskyn in hierdie boek nie, kom die oordeel uit die mond van die Regter. Vir hulle is daar weggeleë algehele rampsaligheid in die verskriklikste mate. Hulle sal gewerp word in die poel van vuur wat berei is vir die duiwel en sy engele.

### EN ONS?

Ook u en ek sal deel uitmaak van hierdie ontelbare skare. Want by die geroep van Jesus Christus sal ook ons in ons doodsbeendere, in ons stof of as die lewe voel roer, en ons sal opstaan uit die dood. Ons siel en liggaam sal weer één word, en ons sal die Regter sien van aangesig tot aangesig.

### TROOS

Maar hierdie Regter is niemand anders as onse Here Jesus Christus nie. Sy liefde tot ons op die regterstoel is nie minder as wat dit was aan die kruis nie. Ons kan Hom dus getroos tegemoetgaan, sonder vrees.

### GELOOF

En hoe weet ons dat ons name geskryf is in die Boek van die Lewe? Ons glo dit! En die geloof is God se gawe. Dit laat ons kleef aan Hom asof ons reeds die onsielike sien!

Daarom moet ons ook lééf soos mense wie se name geskryf is in die boek van die lewe! Ons moet só leef dat ons steeds met vrymoedigheid kan bid: „Kom, Here Jesus, kom haastig!”

L. v. d. M.

# BLANKE SALSY KENNIS MET NIE-BLANKE DEEL

DIE KENNIS WAT ONS as blankes opdoen, moet ons nie net vir onself hou nie, maar ons moet dit ook aan die nie-blanke oordra om hom sodoende te lei langs gesonde weë wat vir die voortbestaan van blank en nie-blank in hierdie land alleen tot heil kan wees.

So het mnr. Hennie van der Walt, afgetrede president van die Afrikaanse Studentebond, tydens die openingsaand van die dertiende jaar-kongres aan die Universiteit Vrystaat in Bloemfontein, gesê.

Mnr. Van der Walt het daarop gewys dat die geskiedenis van die Westerse beskawing ons leer dat die blanke volke van die wêreld hulself vandag nooit in 'n leidende

en oorheersende posisie sou bevind het as dit nie was dat hulle op die gebied van kennis voor die nie-blanke volke van die wêreld gestaan het nie.

### WAPEN

Kennis was nog altyd die wapen waarmee Westerse volke nie-blanke volke aan hulle gesag kon onderwerp. Sedert hierdie uitsluitlike kleinood van die Westerse volke ook tot die beskikking van die nie-blanke volke gekom het, sal die blanke volke hulle kennis in die toekoms ook met die nie-blanke volke moet deel.

„Dit behoort die Afrikaner egter nie tot pessimisme te stem nie, maar vir hom 'n uitdaging stel om altyd op die voorpunt te staan.

„Sodra 'n posisie oor 'n klompie geslagte verder bereik sou kon word waar die nie-blanke volke op dieselfde peil van geletertheid en kennis as

## Redakteurs Vergader

Die stigting van 'n Afrikaanse Studente-persunie is in beginsel deur die kongres van die A.S.B. goedgekeur.

Die hoofredakteurs van studente-koerante van Universiteite en Onderwyskolleges wat by die A.S.B. geaffilieer is, het tydens die kongres vergader en hulle besluit is aan die kongres voorgelê.

Die redakteurs het ook besluit om vroeg aanstaande jaar weer 'n konferensie te hou—waarskynlik in Potchefstroom—waar 'n konsep-grondvir die persunie voorgelê sal word.

Die hele aangeleentheid sal dan tydens die 1962-kongres gefinaliseer word.

## Prof. Lever Se Lesings

Prof. dr. J. Lever van die Vrije Universiteit, Amsterdam, wat vanaf die begin van die tweede semester tot aan die einde van September 1961 kragtens die uitruilskema as gashoogleraar aan die P.U. vir C.H.O. optree, sal nog die volgende lesings lewer: „Skepping en evolusie” (ongeveer vyf lesings) en „Die evolusie-opvatting van Teilhard de Chardin (drie lesings).

Die lesings vind elke Dinsdag om 8—8.45 vm. in die Plantkundelesingsaal plaas.

Alle studente is welkom om hierdie lesings sowel as die lesings in Dierkunde en Fisiologie, elke Maandag om 1.35—11.20 vm. in die Dierkundelesingsaal by te woon.

Die 17e, 24e en 31e Augustus lewer prof. Lever om 7.30 nm. verdere lesings in die Plantkundelesingsaal.

Die menslike hart is die skulp waarin die pèrel van opregtheid gevind word.—INAYAT KHAN.

Die kunstenaar behoort aan sy werk en nie andersom nie.—NOVALIS.



Mnr. H. J. D. van der Walt.

die blanke volke staan, kan dit sonder 'n verantwoordelike hantering van die situasie die grootste rewolusie van die bestaan van die blanke Westerse beskawing beteken,” het hy gesê.

### WYSHEID EN INSIG

Die hantering van hierdie situasie kan alleen geskied indien dit met wysheid en insig gepaard gaan. Hierdie wysheid kan alleen verkry word as die mens voortdurend in sy soeke na kennis die geloof behou.

„Ongelukkig is dit te betwyfel of ons vandag sonder teenspraak kan beweer dat die Westerse beskawing nog 'n Christelike beskawing is,” het mnr. Van der Walt gesê.

Hy het ten slotte 'n beroep op lede van die A.S.B. gedoen om nooit die Christelik-nasionale beskouing van die A.S.B. prys te gee nie en ook nooit die akademiese kennis wat hulle verkry op 'n onwaardige en onverantwoordelike wyse te gebruik nie.

## Studentevaria en die Kongres

Mnr. Frikkie Kraamwinkel, het met mikrofone (kleurskryfies) en swaaiende gebare die kongres van die A.S.B. enduit bygewoon.

Hy het verskeie opanmes van veral kunsfeesitems gemaak en studentevarialuisterraars het seker al die resultaat van sy werksaamhede gehoor.

Mnr. Kraamwinkel is ook deur die kongres aangewys as direkteur vir huweliks-aangeleenthede en aan hom is ook opdrag gegee om verslag te doen van sy eie vordering op hierdie gebied tydens die volgende kongres in Stellenbosch.

Die kongres het die volgende mosie eenparig aangeneem: „Dat die kongres sy opregte dank uitspreek teenoor mnr. Kraamwinkel vir die program Studentevaria en vir die groot waarde daarvan as 'n saambindende faktor vir Afrikaanse hoër opvoedkundige inrigtings”.

Die kongres het voorts sy steun aan die program toegesê en A.S.B.-sentra versoek om die program uit te bou.

# RUSSIESE INSYPELING IS NIE OMHELING VAN KOMMUNISME

RUSSIESE INSYPELING IN AFRIKA en simpatie vir Afrika in Rusland beteken nie noodwendig 'n omhelsing van die Kommunistiese ideologie nie, het prof. J. H. Coetzee in 'n toespraak voor die A.S.B.-kongres in Bloemfontein gesê.

Die insypling en simpatie kan die Moskou-vriende in Afrika eendag egter onverwags en ongewens voor

Kommunisme word deur nasionalisme oorwin. Daarom 'n Russiese naas 'n Chinese Kommunisme.

### HARTSTOG

Nasionalisme is 'n hartstog—die hartstog wat smag en stry na die staatkundige vryheid van 'n volk. Daarin lê ook sy dinamiek—mens kan ook sê dinamiet, aldus prof. Coetzee. Hoe sterker die drukking, hie groter die plofkrag van dinamiet en nasionalisme.

Die liefde tot vryheid en die waardering daarvan gedy egter veral wanneer daardie vryheid ontbreek. Die ontbrekende vryheid word egter dikwels omhul in 'n lig wat dit nie werklik besit nie. Daarom is die geskiedenis dikwels meer getuie van die negatiewe aspekte van nasionalisme.

### KOLONIALISME

Vandaar ook die rol van kolonialisme en imperialisme in die geskiedenis van nasionalisme. Daarom beleef die mens in die huidige wêreldtoestand die sterk anti-blanke elemente, die anti-kolonialisme en anti-imperialisme in die nasionalismes in Afrika en Asië, het hy gesê.

Dit is nie nasionalisme as sodanig wat tot oorloë, tot onderdrukking van ander volke en minagting van ander kulture lei nie. Dit is die selfsug, eersug en haat wat daarin gesluit het.

Die sondige is die verabsoluting van nasionalisme, sy verheffing tot religie, die houding dat jou nasionalisme die enigste met bestaansreg is.

## REBA KAFEE

NOU ONDER NUWE BESTUUR (Vosloo en Croucamp)

Is u dors?

Koeldrank is die ding wat help!

Besoek ons vir:

★ BETER DIENS

Asook

★ SIGARETTE

★ LEKKERS

★ VLEISPASTEITJIES

Ons spesialiseer in alle Studentebenodighede

DIE BULT DROOGSKOONMAKERS (EDMS.) BPK.

Vir Vinnige en Deeglike Diens Tomstraat 90 Telefoon 2237

# KONTAK REEDS IN ELF LANDE OPGEBOU

DIE AFRIKAANSE STUDENTEBOND het reeds waardevolle kontakte in elf oorsese lande opgebou in 'n poging om die sterk anti-Suid-Afrikaanse propaganda, wat dikwels uit Suid-Afrika self geïnspireer word, teen te werk, het mnr. Pieter Kapp, direkteur vir buitelandse studentebetrekkinge van die A.S.B., tydens die kongres in Bloemfontein gesê.

Die lande is Amerika, Oostenryk, Engeland, Frankryk, Duitsland, Nederland, België, Swede, Denemarke, Spanje en Argentinië.

In die verklaring van mnr. Kapp word voorts ontken dat die A.S.B. van die buitewêreld afgesonder is soos dikwels deur so baie mense en instansies beweer word.

### INTENSIEF

„Die A.S.B. is werklik besig met intensiewe werk in die buiteland in belang van Suid-Afrika,” word verklaar.

Hierin het die Bond 'n geleentheid om, op die besondere grondslag waarop hy staan, vir sy volk en vaderland van diens te wees.

Die Bond soek geen aansluiting by die International Student Confer-

ence nie, omdat die humanistiese grondslag van dié wêreldliggaam dit vir die A.S.B. nie die moeite loon om daarmee te skakel nie.

Die International Union of Students, wat 'n Kommunisties-beheerde organisasie is, val ook buite die belangstelling van die A.S.B.

### HUMANISME

Die Bond het hom die afgelope twee jaar met intensiewe studie van politieke ontwikkelinge in verskillende lande besig gehou om vas te stel of die humanistiese stroming alle studente en ander jeugorganisasies meesleur.

In die ondersoek wat hoofsaaklik in Amerika, Engeland en Europa uitgevoer is, is aan die lig gebring dat daar heelwat organisasies is wat die grondslag en beleid van die A.S.B. baie goed gesind is. Ook met Studente-terade aan universiteite is geskakel en goeie vriendskappe is opgebou.

Die A.S.B. is vol hoop dat hy deur hierdie stelsel iets sal kan doen om die vaderland se naam te beskerm en te verdedig.

## Die A.S.B. en Kleurlinge

Die kongres van die Afrikaanse Studentebond het kennis geneem van die besondere probleme van die Kleurling in Suid-Afrika.

Die A.S.B. sal voorts poog om deur positiewe optrede so ver moontlik 'n verbetering te bewerkstellig in die verhouding tussen die blankes en die Kleurlinge.

'n Verdere mosie wat aangeneem is, lui dat die A.S.B. die hele aangeleentheid van voogdyskap in die algemeen en blanke voogdyskap in die besonder sal ondersoek.

Die hele aangeleentheid is verslag opgedra aan die direkteur vir rasse-aangeleenthede.



„Aitsa!”

As die DAMES so sê moet jy weet die Jongheer koop sy klere by:

J. TOD SUTTIE

Kerkstraat 177 — Telefoon 1 POTCHEFSTROOM

„LIEWE INGRAM, EK VERLANG” . . .

„EK GAAN TERUG NA OU INGRAM AS EK KAN” . . .

Besoek

# INGRAM SE DRANKWINKEL

Allerlei

★ WYNISOORTE, BIER en STERKDRANK

★ DRUIWESAP, CYDER, LEMOENSAP TAMATIESAP en KOEJAWELSAP in bottels en blikkies

Posbus 171—Kerkstraat 122

Tel. Nrs.: 12 & 2582

## Nasionale Universiteite

—Prof. J. H. Coetzee

**DIE BETEKENIS EN** noodsaaklikheid van nasionale universiteite word onder andere weerspieël in die rol wat studente en universiteite oral ter wêreld in nasionale vryheidsbewegings gespeel het.

Byna sonder uitsondering het die vereenselwiging van hierdie inrigtings met die vryheidstryd daaraan status en rigting verleen.

Dit was ons eie ervaring met die taalstryd. Maar meer nog: selfs ten spyte van indoktrinasie deur vreemde

Die vierde artikel in die reeks deur prof. J. H. Coetzee.

universiteite teen nasionale bewegings—soos die Engelse inrigtings ten opsigte van studente uit die kolonies—was dit hierdie studente wat nogtans leiers in hulle eie lande en van hul eie mense geword het. Dit nie-teenstaande die indoktrinasie en die vele slagoffers daarvan.

### Bewaarplekke

Vir die ouere volke is hierdie universiteite dié bewaarplekke van die nasionale prestasies en terselfder tyd die arsenaal van die geesteskrag vir verdere groei en ryping. Dit is deel, die kroon selfs van die onderwystelsel wat uiteraard—en niemand durf dit ontken nie—nasionaal gefundeerd is. Gebruik maak van die hoëre onderwysinrigtings van ander lande is voorreg en uitsondering, noodsaaklike leengoed.

Die nagraadse studie met sy groter mate van spesialisering het te doen met min of meer gevormde mense. Die opvoedingskarakter raak hier sterker op die agtergrond terwyl die onderrig die hoofklem ontvang.

Die ideaal van wetenskaplike vorming, verstandelike dissiplinerende en feitevorsing kom hier nader aan verwerkliking. Die probleme eie aan die hoërskool en die voorgraadse opleiding verval grootliks. Die geriewe, biblioteke, institute, laboratoria en dosente vir hierdie gespesialiseerde werk is skaarser.

### Verskil

Die studente moet nou almeer na die inrigting gebring word en nie die inrigting na die student nie.

Hier benader ons deels die antieke en Middeleeuse universiteit met sy studente wat van meester tot meester trek. Ons het vandag egter met 'n belangrike verskil in omstandighede te doen. Moderne kommunikasie-middele, die boek en veral die tydskrif met ander vorme hiervan, maak selfs al die per-

## Raad Besluit: Motors Weg

Ten einde 'n weelderige bestaan deur studente aan die Universiteit te ontmoedig, het die Raad van die Universiteit op sy jongste vergadering die volgende besluit geneem:

„Geen kosgangers word toegelaat om 'n motor op enige deel van die universiteitsterrein aan te hou nie. Kosgangers in gebruik/besit van 'n motor sal die koshuis moet verlaat, al word die motor ook elders geparkeer.“

Dit is nie nodig om haastig te wees as jy op die regte tyd vertrek nie—LAFONTAINE.

Die oor is die weg na die hart.—VOLTAIRE.

Dit is nooit die slegte vrugte waaraan die mossies pik nie.—SPREEKWOORD.

Medelye is die broer van liefde.—SOUTHERN.

soonlike omgang tussen dosent en student op hierdie vlak nie meer so onontbeerlik nie, hoewel dit nog wenslik is.

### UITRUIL

Inter-nasionale en inter-universitêre studente- en dosente ruil kan op hierdie vlak dus makliker en profytliker en met minder skadelike gevolge plaasvind.

Tog kom dit voor asof selfs op hierdie niveau die rol van die nasionale universiteit nie uitgespeel is nie. Ek kan my nie voorstel dat Amerika met al sy universitêre gasvryheid ooit daaraan sou dink om byvoorbeeld al sy institute en navorsingsfasiliteite vir kernnavorsing onbeperk sal oopstel nie. Ook nie die Russe nie.

### VERSKEIDENHEID

Naas die faktor en beginsel van nasionale verskeidenheid in die hele skeppingsorde, dring die ander onloënbare realiteit, naamlik die van sonde met sy gevolge van haat en oorlog, hom ook op die voorgrond.

Selfs waar die mensheid in sy organisatoriese eenheidstrewer probeer om die verskeidenheid te nivilleer en te verloën, word hy deur die gebrokenheid tog gedwing tot 'n praktiese erkenning van daardie harmonie—al is dit in sy sondige gedaante van disharmonie.

(● Slot volg.)

## Studentebeeld

**MEER AS 1,000 STUDENTEVLUGTELINGE** uit die Ooste studeer tans in die Weste. Luidens 'n verslag van Oosterse Studente-organisasies is daar tans in Amerika 350, in Swede 300, in Kanada 200 en in Australië 125 van hierdie studente terwyl die res aan verskillende universiteite in die wêreld studeer.

Nagenoeg 1,500 Oosterse studente het sedert die oorlog in die Weste gegradeer. Die meeste van hierdie studente het mediese en tegnologiese kursusse gevolg.

### V.S.A.

'N **SEMINAAR WORD IN DIE LOOP** van Augustus in New York tussen Oosterse en Westerse studente gehou. Twintig afgevaardigdes sal die American Friends Service Committee verteenwoordig terwyl sowat 20 deur die Kommunistiese jeugorganisasie van Rusland, Komsomol, na die seminar gestuur sal word.

Die sentrale tema van die seminar sal „Die rol van die jeug ter daargestelling van internasionale vrede“ wees. 'n Soortgelyke seminar het verlede jaar in Leningrad plaasgevind.

### NOORWEE

'N **AANLEIDING VAN 'N BETOGING** deur Noorweegse studente teen die gebruik van atoomwapens, het die Noorweegse studente-unie onlangs 'n konferensie belê.

Op die konferensie is die morele, politieke en militêre implikasies van atoomwapens op die mens bespreek.

### DUITSLAND

'N **SUID-AFRIKA-WEEK IS ONLANGS DEUR** die Studenteraad van tegniese kollege van Darmstadt in Duitsland gereël. Lesings oor die R.S.A. is gelewer, films is vertoon en dokumente tentoongestel om die agtergrond van apartheid te verduidelik.

Die doel van die week was om studente in Duitsland op hoogte te bring van die rassevraagstuk in Suid-Afrika.

### FINLAND

'N **GROEP VAN DERTIG FINSE REGSTUDENTE** van die Universiteit Abo het onlangs 'n toer na Leningrad onderneem. 'n Professor in die regte het aan die hoof van die groep gestaan. Die doel van die besoek was om skemas te bespreek waarvolgens studente tussen die twee universiteite oor en weer uitgeruil kan word.

### BIRMA

'N **NUWE EKSAMENSTELSEL IS IN BIRMA** ingevoer. Die doel daarvan is om studente dwarsdeur die jaar te laat werk. Die stelsel sal in 1963 vir die eerste keer aan die Universiteit van Rangoon ingestel word.

Studente sal krediet ontvang vir klasbywoning, weeklikse en maandelikse toetse en die bywoning van „tutorial“ klasse.

Studente sal 'n bepaalde „jaarpunt“ moet behaal ten einde te kan inskryf vir eksamen.

### R.S.A.

**STUDENTEGETALLE IN SUID-AFRIKA** het oor die afgelope vyftig jaar teen 'n snelle tempo vermeerder.

In 1910 was daar in S.A. 1,700 studente terwyl daar in 1960 bykans 48,000 was. In 1918 het 491 studente gegradeer teenoor 4,745 in 1957.

In vergelyking hiermee is daar tans in Nigerië, Ghana, Uganda, Oos-Afrika, die Soedan, Rhodesië en Njassaland (met 'n bevolking van 70 miljoen) 'n totaal van 1,734 studente.—(Red., D.W.)

## ALABAMA TOERGROEP



**Agter (v.l.n.r.):** Daan Malan, Piet Vorster, Naas Raubenheimer, Nescó du Toit (regisseur), Fido Barnard (sekr.), Anton Fourie, David Ginsberg, Marnus Roothman.

**2de ry:** Hannes Sauerma (add. lid), Solly Strydom, Izak Lessing (o/voors.), Nic Enslin, Amke Rossouw, Sannie van der Walt (add. lid), Hettie Oosthuizen, Kotie de Jager (reisvader), Kattie Oosthuizen, Piet Heslinga (org.), Hendrik Bekker, Dewald Roode (toerleier).

**3de ry:** Trudi Gey van Pittius, Annemarie Schutte, Alta de Kock, Hermine le Roux, Heinie de Wet.

**Voor:** Etta Spoelstra, Susan Kruger.

**Afwesig:** Ben Bierman.

## Nuwe President van A.S.B. Ook Knap Sportman

**MNR. H. D. K. VAN DER MERWE**, Studenteraadsvoorsitter van die Universiteit Pretoria, het vanjaar die kroon op 'n skitterende studenteloopbaan gespan toe hy eenparig verkies is tot president van die A.S.B.

Hy volg mnr. Hennie van der Walt (voorheen van die P.U. vir C.H.O.) op wat nie weer verkiesbaar was nie.

Mnr. Van der Merwe is op 13 November 1933 te Primrose gebore. Sedert 1940 het hy sy skoolloopbaan op Ermelo voortgesit. Volgens homself was sy belangstelling al in daardie dae politiek en sport. Hy het onder meer in 'n krieketwedstryd vir sy skool se eerstepan nege paaltjies vir 29 lopies omgekap.

### RUGBY

In 1952 het hy aan die N.K.P. ingeskryf. Hy het ook vir Normaal se eerstepan krieket gespeel en ook vir hulle tweede rugbyspan uitgedraf.

Vanaf 1956 is hy aan die U.P. verbonde. Hy het op feitlik elke subkomitee van die Studenteraad en ook in die verenigingslewe diep spore getrap. Vanjaar is reeds sy derde termyn op die V.S.R.

### KNAP STUDENT

Te midde van al sy bedrywighede aan die studentefront het hy egter steeds student gebly. Hy het reeds 'n Hons.-graad in Volkekunde behaal en is tans met sy finale jaar Teologie besig.

Die nuwe president van die A.S.B. is 'n man met 'n vol program, maar dit verhoed nie dat hy op elke terrein sy beste lewer nie.—(Perdeby).

## BEYERS CLAASSEN

DIE MEES VINDINGRYKE  
FOTOGRAFIESE SENTRUM IN  
POTCHEFSTROOM

LOMBARDSTRAAT 52 — TELEFOON 455

Trap vas met Dixi . . .

# Dixi-Cola

Potch. Mineral Waters (Pty.) Ltd.

SHERR & SHAKINOVSKY

FOON 16 en 1144

POSBUS 134

## Voorsitter van A.S.K. Oor Aanval Op Afrikaners

**DIE VOORSITTER** VAN DIE Afrikaanse Studenteklub aan Wits, mnr. R. M. Wildenboer, antwoord in die jongste uitgawe van Wits Student op 'n „aanval” wat in 'n vorige uitgawe van die blad op Afrikaanse studente aan Wits gedoen is.

Die Afrikaanse studente is daarvan beskuldig dat hulle onaktief in die studentelewe van die Universiteit staan.

Mnr. Wildenboer verklaar dat dit nie te betwyfel is dat talle Afrikaners wel nie aktief deelneem nie, maar hy het dit daarteen dat slegs die Afrikaners gebrandmerk word aangesien hy beweer dat daar 'n algemene gebrek aan ondernemingsgees en deelname aan studentelewe onder Witsstudente te bespeur is.

### HANDJIEVOL

Hy vervolg in sy brief: „U stel dat slegs 'n handjievol 'n bydrae lewer tot die Universiteitslewe. Ek neem aan dat hierdie handjievol nie die A.S.K. is nie aangesien u blad vanjaar feitlik nog geen publisiteit aan die veelsydige bedrywighede van hierdie klub gegee het nie, maar wel die sulkes wat hulle Afrikaanse tradisie en christelike geloof prysgegee het om die ateïstiese en liberale sienswyse aan te hang.

„U begeef u op 'n besonder gevaarlike terrein deur te beweer dat die bewaring van die Afrikaanse tradisionele identiteit, sy landsake en christelike geloof 'n armer studentelewe as gevolg het. Dit is duidelik dat wat ek as die ideale en tradisionele Afrikaner, en wat u graag as die „deeglike” Afrikaner sien, twee totaal verskillende begrippe is.

### ONDUBBELSINNIG

„U sluit u baie ondubbel'sinnig aan by die gesamentlike aanslag van die Engelse pers op die Afrikaner se politieke standvastigheid en nasiebewustheid en die Engelsbeheerde Afrikaanse geelpers op die Afrikaner se sedes en waardebegrippe.

„Indien u van die Afrikaner op Wits 'n internasionalis, liberalis of

ateïs wil maak, maak u u skuldig aan 'n Kommunistiese gelykstelingsidee.

„Toe die A.S.K. se vlot onlangs eerste prys in die jool verower het, het u blad slegs 'n foto van die vlot wat tweede prys verower het, geplaas. Hoe moet ons Afrikaners dit verklaar? Dit is duidelik dat as u nie WIL sien hoe wakker die Afrikaners is nie, dan sal u dit nie KAN raaksien nie.”

## Groot Getal Pukke Gaan Saamtrek Bywoon

**SEKER DIE GROOTSTE** getal Pukke wat nog 'n volkspele-saamtrek bygewoon het, vertrek Saterdagmiddag na Johannesburg vir 'n saamtrek van die Jopie Fourie-laer aldaar.

Mnr. H. B. van der Walt, leier van die P.U.-laer, verklaar dat 25 pare die saamtrek sal bywoon.

Die saamtrek sal 'n heel geskiedkundige een wees aangesien die Staatspresident, mnr. C. R. Swart, sy eerste amptelike verskyning aan volkspelers sal maak.

### KULTURFEESE

Benewens die Staatspresident sal die saamtrek ook bygewoon word deur verskeie hoogwaardigheidsbekleërs van die nasionale volkspele-beweging.

Afgesien van hierdie saamtrek tref die demonstrasiegroep van die laer tans druk voorbereidings vir die jaarlikse kulturfes van Johannesburg op 9 September.

Die aanvanklike uitstappie wat vir die laer gereël sou word, is intussen afgelas en in die plek daarvan sal lede van die laer eerskome Vrydagaand 'n gesellige funksie by die dam hou. Daar sal vleis gebrui word

## Geesdrif Styg Steeds

Geesdrif vir die jongste sportsoort wat tans aan die Puk beoefen word—pluimbal—klim steeds en die Pukke spog reeds met sterk spanne.

As die bloei van die klub voortgaan soos tans, sal hy na verwagting eersdaags aansoek doen om onder patronaatskap van die Studenteraad ingeskakel te word.

Twee wedstryde word in die nabye toekoms in die vooruitsig gestel as oefening vir Intervarsity. Albei wedstryde sal teen die klub van Dorp plaasvind.

Na verwagting sal vier mans en vier dames teen die Kovsies kragte meet.

Die oefentye vir die spelers (in die Gimnastieksaal) is die volgende: Dinsdae, 2 nm.—6 nm. en Vrydae, 7—10 nm.

## Groot Getal Pukke Gaan Saamtrek Bywoon

**SEKER DIE GROOTSTE** getal Pukke wat nog 'n volkspele-saamtrek bygewoon het, vertrek Saterdagmiddag na Johannesburg vir 'n saamtrek van die Jopie Fourie-laer aldaar.

Mnr. H. B. van der Walt, leier van die P.U.-laer, verklaar dat 25 pare die saamtrek sal bywoon.

Die saamtrek sal 'n heel geskiedkundige een wees aangesien die Staatspresident, mnr. C. R. Swart, sy eerste amptelike verskyning aan volkspelers sal maak.

### KULTURFEESE

Benewens die Staatspresident sal die saamtrek ook bygewoon word deur verskeie hoogwaardigheidsbekleërs van die nasionale volkspele-beweging.

Afgesien van hierdie saamtrek tref die demonstrasiegroep van die laer tans druk voorbereidings vir die jaarlikse kulturfes van Johannesburg op 9 September.

Die aanvanklike uitstappie wat vir die laer gereël sou word, is intussen afgelas en in die plek daarvan sal lede van die laer eerskome Vrydagaand 'n gesellige funksie by die dam hou. Daar sal vleis gebrui word

## PUKKE TEEN STRATHVAAL

Die Pukke speel more op Stilfontein 'n ligawedstryd teen Strathvaal.

Verlede jaar se kampioenspan van Wes-Transvaal moes ses spelers af-



Carl Grundlingh.

staan aan die provinsiale span wat ook more teen Vrystaat opdraf.

Die Pukke daarenteen sal sonder drie van hulle gereelde staatsmakers moet klaarkom, van wie twee vir die Mielieboere op die veld sal draf. Hulle is kaptein Piet Bosman en Jan van der Schyff. Johann van der Schyff is tans op die krukkelys.

### VOORLAASTE

Die wedstryd teen Strathvaal is die Pukke se voorlaaste wedstryd voor Intervarsity aangesien hulle hierna nog net teen Western Reefs—aanstaande Saterdag—te staan sal kom.

Die Pukke se span vir more is: Hannes Sauerma, Johan Serfontein, Piet van der Schyff, H. B. van der Walt, Smous van der Westhuizen, Carl Grundlingh (kapt.), en Friedel Swart; Poens Prinsloo, Piet Bingle, Wil. de Waal, Koos du Plooy, Herman Venter, Koos Hattingh, Lot: Erasmus en Terry Roscher.

## Groot Kragte Aan Die Werk Teen Die Republiek

„**ONS BEVIND ONS** IN 'n atoomeeu met stryd van alle kante. Alleen deur sterk te staan sal ons self staande bly,” het dr. Fritz Potgieter van Die Transvaler Woensdag-aand voor 'n ledevergadering van die A.S.B. gesê.

Die V.V.O. bestaan uit drie hoof-groepe, nl. die Kommunisteblok, die Afrio-Asiatiese groep en die Westerse bondgenote. Al drie hierdie groepe staan onsimpatiek teen die Republiek.

### LEIER

Rusland as leier van die Kommuniste het 'n voortdurende propagandaveldtog teen ons aan die gang. Radio Moskou se programme is gelaai met propagandistiese idees waarmee die swartstate van Afrika aangehits word teen die blanke.

Amerika aan die ander kant streef ten alle koste na die guns van die Afrika-state. Watter beleid ons ookal hier mag nastreef, sal geen verandering in die toestand te weeg bring nie, want wat die Afrika-state alleenlik wil hê, is dat die blanke uit Afrika moet trap.

Om hulle guns te verkry het Amerika geen ander keuse as om hulle hierin te steun nie. Die houding van die Weste is alles behalwe simpatiek. Hiervan getuig die handelsboikotte van lande soos Swede e.a.

Staatkundige betrekkinge en handelsverbintenisse is beslis nie rooskleurig nie. Tussen bogenoemde groepe bevind die Afrika-state hulle in die gunstige posisie dat sowel die Ooste as die Weste alles in hulle vermoë sal doen om die guns van die Afrika-state te wen.

Hierdie drie groepe doen alles om die wêreld vir Suid-Afrika so warm as moontlik te maak, om ons sodoende te probeer dwing om toegewings in ons beleid te maak. Hulle uiteindelijke doelstelling is egter niks anders as die algehele uitwissing van die blanke in Afrika nie.

### GEEN PANIEK

Daar bestaan egter geen rede vir paniek nie. „Al probeer hulle ons ookal boikot, kan hulle nie sonder ons produkte klaarkom nie. Dit het Ghana weldeeglik ondervind, toe sy goudmyne tot stilstand gekom het. Ons yster en staal geniet voorkeur op die New Yorkse mark, selfs bo die van Amerika self. Rusland, Swede en die ander lande wat gedurig op ekonomiese sanksies teen die Republiek aandrang, is verplig om by die Republiek te koop,” het dr. Potgieter gesê.

### KRY LEKKER

„Daar is mense wat lekker kry as ons land swaar kry. Die tyd het aangebreek dat ons meer oordeelkundig te werk moet gaan, en nie die he'e land se toekoms in gevaar moet stel nie ter wille van 'n paar stemme

## Tokkelokke Verslaan Aptekers

Die tokkelokke het Dinsdag vir een van die grootste verrassings van die jaar gesorg deur die aptekers in 'n harde en taai voetbalwedstryd waarin die bal lustig rondgegooi is met 14—3 te klop.

Hoewel die aspirant maneldraers op papier nie „'n kat se kans gehad het nie” het hulle uitmuntend saamgespeel en hulle oorwinning terdee verdien.

Vir die wenspan het Piet Bingle, Dawie du Plessis en Ami van Wyk drieë gedruk terwyl H. B. van der Walt met 'n straf- en vervyfskop geslaag het.

Lionel Phillips het die aptekers se drie punte met 'n strafskop aange-teken.

„Laat ons in hierdie stadium ver-geet van die guns van die buiteland. Dit is die groot beroep wat ek op u wil doen,” het spreker afgesluit.

## Sangbundel Sien Lig

'n Nuwe studentesangbundel het pas die lig gesien. 'n Groot verskeidenheid liedjies is daarin opgeneem wat verseker dat die Pukke heerlik sal kan sing by die volgende Intervarsity.

Die bundel bestaan uit 44 bladsye wat fyn en keurig afgewerk is. Veral



Hans van Zyl.

die omslag is baie keurig versorg.

'n Nuwigheid is die ruimte vir stempels wat agter in die sangbundel ingeruim is. Dit verseker dat Pukke wat sing-songs gereeld bywoon plek sal kry op die hoofpawiljoen tydens Intervarsity, deel mnr. Hans van Zyl, hoofdirigent, mee.

Mnr. Van Zyl verklaar dat die geesdrif vir sing-songs tans baie hoog loop en dat dit baie goed bygewoon word.

Volgens mnr. Van Zyl is hy en mnr. Frik van Deventer deeglik voorberei—hulle het glo uit vertroubare bron verneem dat hulle teenstanders maar amateurs is.

Aanstaande week sal daar drie keer sing-songs plaasvind en die week daarop vier keer. Die Pukke word gevra om man en muis op te ruk—alleen dan kan 'n oorwinning op die pawiljoen—helfte van Intervarsity—verseker wees.

## NUSAS SE PRESIDENT

Mnr. Adrian Leftwich is tydens die kongres van Nusas in Durban herkies tot president van die liggaam.

Die nuwe onderpresident is mnr. T. Mhlambiso, voorheen van Fort Hare, terwyl mnr. R. Jowell verkies is tot onderpresident vir internasionale betrekkinge.

Die ander lede van die uitvoerende bestuur is: D. Hunt, L. Bramley, J. Jessop, D. BeHarie, M. Gardiner en J. Moodie.

## Noordbrug Kontantwinkel

(Eien. A. J. Botha)

**PRESIDENTSKOENE** teen die laagste pryse in Potchefstroom en alle **STUDENTEBENODIGDHEDE**

**Langs NOORDBRUG-Poskantoor**

## Aantreklike Pryse Vir Redenaars

**DIE WOLNIT-REDENAARSKOMPETISIE** vir studente word op 16 Augustus om 7.30 nm. in die Totius-gedenksaal beslis.

Die wenners van hierdie wedstryd (eerste, tweede en derde) ontvang elk 'n miniatuur beker en R25, R15 en R10 onderskeidelik, terwyl die naam van die eerste wenner op die Wolnitwisselbeker, geskenk deur die Wolnit Korporasie Bpk., en wat in besit is van die Universiteit, aangebring word.

### TWEE DELE

Die wedstryd bestaan uit twee dele. Die eerste deel bestaan uit 'n voorbereide toespraak van sewe minute oor een van die volgende onderwerpe (die deelnemer het die keuse om teen of ten gunste van die onderwerp te praat):

- Persvryheid in S.A. is/is nie die struikelblok vir volkseenheid/nie.
- Die Afrikaner het/hetnie 'n swak besigheidsin/nie.
- Die wetenskap sal/sal nie die mens by sy eindbestemming bring/nie.
- Volkome vryheid is/is nie 'n voorvereiste vir gesonde opvoeding/nie.
- Republiekwording is/is nie 'n waarborg vir die voortbestaan van die blanke Christelike beskawing in S.A./nie.

### DEMONSTREER

Die tweede gedeelte van die wedstryd bestaan uit 'n voorbereide praatjie van vyf minute. Hierin moet die deelnemer gebruik maak van 'n toonstuk of 'n demonstrasie om sy

of haar praatjie toe te lig, of in 'n situasie wees wat takt vereis.

Deelnemers kan hulle eie onderwerp kies solank dit aan bogenoemde vereistes voldoen. Voorbeeld van onderwerpe is die volgende: As verkoopsklerk moet u 'n bepaalde artikel aan 'n moeilike koper verkoop, en demonstreer hoe u 'n moeilike pasiënt sal ondersoek.

● Studente wat vir die kompetisie wil inskryf, moet hulle name, tesame met die onderwerpe waaroor hulle wil praat, by dr. F. J. du Plessis, posbus 71 in die Administrasiegebou, inlewer en nie later as 14 Augustus nie.

## Sir Div Besoek Potchefstroom

Sir De Villiers Graaff, leier van die Opposisie, sal die tentoonstelling van die Potchefstroomse Landbougenootskap op Woensdag, 30 Augustus amptelik open.

Die dood is nie so 'n groot straf as die uitstel van die dood nie.—**OVIDIUS.**

'n Mens het gewoonlik raad vir iemand anders, maar nooit vir jouself nie.—**SPREEKWOORD.**

## Aptekers Hou Vruggbare Konferensie

TYDENS DIE AFGELOPE vakansie het 'n afvaardiging van die P.A.S.V. die konferensie van die S.A. Apteker-studente Federasie in Kaapstad bygewoon.

Die afvaardiging het gestaan onder leiding van mnr. D. McDonald. Die voorsitter van die P.A.S.V., mnr. J. Offermeyer, moes optree as president van die konferensie.

Op die konferensie is dan ook belangrike besluite aangaande die opleiding van aptekers en aptekers-wese in die algemeen geneem.

### BESLUIE

'n Belangrike besluit is dat die federasie besluit het om die wapen en kleure van die P.A.S.V. te aanvaar as die amptelike kleure van die federasie om sodoende eenvormigheid onder aptekerstudente in die land te bewerkstellig.

'n Verdere besluit is die aan-

beveling ten opsigte van 'n meer uitgebreide en langer studietydperk vir voornemende aptekers. Die studietyd word verleng van drie tot vier jaar met een jaar praktiese werk.

### LEERPLAN

Ten opsigte van die uitbreiding van die leerplan is 'n mosie aanvaar dat 'n spesiale kursus in Wiskunde asook jaarkursusse in Fisiologie en Biochemie ingesluit moet word.

Die P.A.S.V. het soos in die verlede 'n leidende aandeel in die konferensie geneem. Drie lede van die afvaardiging is dan ook verkies tot lede van die uitvoerende komitee van die federasie. Mnr. Offermeyer is verkies tot president, mnr. Coetzee tot sekretaris en mnr. D. McDonald tot penningmeester.

## Kursusse Aan P.U.

Nywerheidschemie sal van aanstaande jaar aan die Potchefstroomse Universiteit bestudeer kan word nadat 'n tyd gelede met die opleiding in toegespaste chemie begin is.

Afgesien van die nuwe departement Perswetenskap wat in 1962 ingestel word, word 'n spesiale departement gestig vir die huidige kursus Beginsel- en Metodeleer en Lewens- en Wêreldbeskouingsleer.

Die nuwe departement sal as die departement Studium Universale bekend staan.

Prof. dr. H. G. Stoker, hoof van die departement Wysbegeerte, sal voorlopig ook hoof van die nuwe departement wees.

## HOOGLERAAR BENOEM OP ANTARKTIKARAAD

PROF. DR. P. H. STOKER, hoof van die departement fisika aan die P.U., is onlangs aangestel op die Antarktikaraad van Suid-Afrika. 'n Raad is deur die departement van vervoer, waaronder die weerburo ressorteer, in die lewe geroep om navorsing te doen op Suid-Afrika se weerstasies.

Ten suide en ten noorde van die Kaap, het die Republiek 'n paar eilande, waaronder Marioneiland, Gogheiland e.a., waarop daar weerkundige waarnemings gemaak word.

Verder het die Suid-Afrikaanse regering onlangs die Noorweegse stasie op die Suidpoolvasteland oorgeneem.

Hierna is die raad benoem om reëlins te tref in verband met natuurwetenskaplike, biologiese en geografiese navorsing. Die raad sal ook aandag skenk aan kosmiese strale wat die navorsing aan die P.U. in die rigting baie sal bevoordeel.

### MAGNETIESE VELD

Verder sal daar ook nagespeur

word waarom die magnetiese veld om die Kaap 'n afwyking maak. Ook sal daar ondersoek ingestel word na uitbarstings op die son, en die uitwerking daarvan op radioverbindinge.

Die komitee is verantwoordelik vir die vasstelling van die intensiteit van die navorsing, fondse en vir die werking van die resultate.

Die benoeming van die raad is voorwaar 'n groot voorwaartse stap wat die Regering gedoen het met betrekking tot die uitbreiding van navorsing in die Republiek, het prof. Stoker gesê.

## Dr. Meyer Terug Van Studiereis

Dr. M. A. du T. Meyer, senior lektor in fisika aan die P.U., het pas teruggekeer na 'n studiereis in Brittanje. Dr. Meyer het 'n beurs verower wat hom in staat gestel het om vir 'n jaar navorsing te doen in kosmiese strale aan die Universiteit van Durham.

Die departement fisika aan die P.U. is vir 'n geruime tyd reeds besig met navorsing in kosmiese strale. Deur middel van die beurs het dr. Meyer vir 'n jaar intensiewe navorsing gedoen in die rigting.

### ATOOMVERSNELLER

Hy was ook vir veertien dae aan die Universiteit van Cambridge besig met die afbreek en verpakking van die atoomversneller met die oog op die versending daarvan na Potchefstroom. Hy het ook besoeke gebring aan die Universiteite Leeds en Glasgow.

Dr. Meyer sê dat die gehalte van opleiding en navorsing in fisika ongeveer dieselfde is as aan die P.U. Hy het egter gevind dat daar in die verskillende departemente meer dosente is as wat in Suid-Afrika die geval is.

Dit maak dit vir die dosente moontlik om meer navorsing te doen. Hulle gee ook slegs klas in die rigting waarin hulle navorsing doen. Gevolglik kan hulle ook meer publiseer as wat in ons land die geval is.

## THALIA TOERGROEP



Agter (v.l.n.r.): Jan Ras (o/voors. en org.), Frans Schutte, Wynand van der Merwe, Johann Pepler, Piet Willemsse, Piet Steinberg, Fanie du Plessis, Pieter Potgieter, Chris König.

Middel: Ruelle van Zyl, Lydia Strydom, Annetjie Venter, Lydia Coetzee, Susan Verhoef, Marianne Viljoen, Gerrie Potgieter, Erina van der Walt, Nicolean Cramer, Anita van der Merwe, Susan Uys.

Voor: Piet Venter (toerleier), dr. T. T. Cloete (beskermheer), Engela Venter (add. lid), mnr. P. J. Schutte (reisvader), mev. Schutte, Dries Yssel, Cassie Venter (sekr.).

Afwesig: Gregoire Aucamp en Pauli Koole.

## Wapen Net Op P.U.-baadjie

Die Studenteraad het op sy jongste vergadering besluit dat die amptelike P.U.-wapen op geen ander baadjie as die amptelike P.U.-kleurbaadjie gedra mag word nie.

Indien die P.U.-wapen op enige tipe en kleur baadjie gedra word sal dit kontrole bemoelik.

Ook bestaan die gevaar dat die P.U.-baadjie later nie meer gekoop sal word nie en die uiteinde 'n bont spul sal wees. Die ideaal is immers eenvormigheid by die besit van 'n onderskeidende kenteken.

## Vyf Lede Benoem

Vyf lede van die Raad van die Potchefstroomse Universiteit wie se dienstydkerke op 30 Junie verstryk het, is herbenoem. Hulle is:

Mnr. J. M. Brink, deur die Staatspresident, ds. A. A. Venter, deur die oorspronklike oprigters, dr. S. C. W. Duvenage, deur die Trusteess van die Geref. Kerk, dr. P. W. Vorster, deur die konvokasie en donateurs, en prof. dr. G. Dekker, deur die Senaat van die Universiteit.

## PROF. STOKER NA JAPAN

Prof. P. H. Stoker, hoof van die departement fisika, gaan binnekort na Japan vir navorsing oor kosmiese strale. 'n Konferensie word later vanjaar daar gehou oor die aspek wat van belang is vir die navorsing wat hier plaaslik gedoen word.

Uitruiling van kennis sal daar geskied, asook die bespreking van sekere eksperimente en fundamentele prosesse in die navorsing oor kosmiese strale.

Iemand wat net van homself geleer het, het 'n dwaas as leermeester gehad.—JONSON.

Wit hare is soos die vlokke skuim wat die see bedek ná 'n storm.—CARMEN SYLVA.

Haat is niks anders as selfkastydigheid nie.—HOSEA BALLOU.

## Lepisma Saccharinum Es?

## Is u 'n Boekwurm? . . .

KOM KRY U VOEDSEL DAN BY ONS —

## Pro Rege-Pers Beperk

„DIÉ POTCHEFSTROOMSE BOEKHANDEL“

KERKSTRAAT 91-95

TEL. 1164 en 497

BORCHERDSTRAAT

TELEFOON 3431

POTCHEFSTROOM

## Puik Eerstejaar Bekroon

Die V.S.R. van die Buitemuurse afdeling van die Universiteit Pretoria beskik oor 'n beker wat jaarliks toegeken sal word aan die eerstejaarstudent wat op sosiale sowel as akademiese gebied die beste gevaar het.

Vir die sosiale aspek word die punte wat deur eerstejaars op hul eerstejaarskaart behaal is, nagegaan. Die akademiese prestasies word van die administrasie verkry.

'n Student wat dus hard werk om 'n volwaardige buitemuurse student te wees, kan dus die eer hê om aan die naas voorgestel te word as die eerstejaar aan die Universiteit.

Die wenner van 1961 sal tydens die eerste massavergadering van 1962 aangekondig word. — (Papegaai).

## Pukke Klop Strathvaal

In 'n lustelose hokkiewedstryd het die Pukke se damespan daarin geslaag om 'n verswakte span van Strathvaal met drie doele teenoor een te klop.

Pukke se punte is aangeteken deur Albertha Howell, M. Bingle en Betsie Spöhr.

## Geoloë Trek Saam Op Potch.

'n Dertigtal studente van oor die hele land het tydens die wintervakansie op Potchefstroom saamgetrek vir die jaarlikse geologiese kongres.

Onder die hoogtepunte van die kongres was besoeke aan die Hartbeesfontein-, Stilfontein- en Buffelsfonteingoudmyne asook die Rustenburgse platinamyn.

### PILANSBERG

Die groep het ook 'n besoek afgelê aan Pilansberg waar gesteentes gesien is wat nêrens anders in Suid-Afrika voorkom nie.

Die uitstappies is ook afgewissel met referate wat deurgaans stimulerende en interessante besprekings uitgelok het.

Mnr. Leopold Bosch, sekretaris van die Potchefstroomse Geologiese Studentevereniging, het verklaar dat veel van die sukses van die kongres toegeskryf moet word aan die leiding deur prof. P. B. Ackerman en mnr. A. A. Bischoff.

## Hokkiedames Presteer

Op die onlangse dameshokkietoernooi, wat op Grahamstad gehou is, het 'n besondere eer twee Pukdames te beurt geval.

Hulle is naamlik gekies as lede van die Protea-span wat aan die einde van die jaar op 'n oorsese toer na die Verenigde Koninkryk en Europa gaan. Hulle is Albertha Howell, die kapteine van die Pukspan, en Rina Bierman.

Verder is Rina Bierman ook gekies as lid van die Springbokspan vir die eerste toets teen die besoekende Britse vrouehokkiespan.

• Aan hierdie twee uitstaande sportdames, en veral aan Rina met die verwerwing van haar groen en goud, die hartlikste gelukwense van die redaksie.

# Warm uit die oond op die Campus

NA 'N LANG WEGBLY het ons mekaar toe darem weer hier kom kry. Ons het dinge gedoen en laat gebeur. Maar dis mos reg so, want daarvoor kry ons mos vakansies. Nou is ons terug in ons omgewing om die laaste skoffie aan te durf.

Ek sê dit gaan 'n skof wees, want ons gaan swaar kry, dit is nou maar wors. Dink bv. aan dinge soos Intervarsity wat voorlê

Daar gaan vir ons heelwat probleme wees, want om 'n Intervarsity te wen is nie maklik nie, en om te maak of ons so-iets gewoon is, gaan nog moeiliker wees.

### EKSAMEN

Haai, en amper vergeet ek: die eksamens lê ook mos nog voor. Daar is gelukkig nog genoeg tyd oor om later daarvoor bekommerd te raak. Ek wil ook nie graag spoke opjaag nie — ek sê maar net!

Hulle sê 'n mens moet skouer aan die wiel sit en nie agter toe kyk nie. Ek wil egter liewer terugdink aan 'n vakansie as vooruit kyk en fantaseer oor eksamens. Ek dink daar sal 'n hele paar ander mense wees wat ook liewer nog aan die vakansie sal wil dink, want daar was mos toere.

As 'n mens so kyk na party toerlede en 'n bietjie luister na die toer-rumoere dan lyk dit of dinge aan die broei is.

In meeste gevalle kan 'n mens nog net raai en wonder. Dit gaan in meeste gevalle darem hire die keer

makliker wees om reg te raai as verkeer.

Behalwe so baie ander dink ek o.a. aan **Fanie du Plessis** en **Annatjie Venter** . . .

**Faan de Villiers** het toe besluit dat hy meer van hierdie toere wil uitvind en **Etta Spoelstra** genader. Hulle het eintlik verlede kwartaal al voorberei en so pas die kys beklink.

### RAAI-RAAI

Ander raai-raai gevalle is nie net volop by die toerlede nie, want **Jurie Venter** en **Marié van der Walt** word dikwels saam gesien.

**Gerard Broos** en **Ida Fourie** is ook nie altyd „toevallig” bymekaar nie.

**Dawie du Plessis** word ook al een van De Klerk-huis se gereelde versierings want **Erina van der Walt** bly mos daar. Was dit nou nie vir die onsekerheid nie, kon 'n mens dalk gevolgtrekkings gemaak het.

**Johan van der Merwe** het besluit dat die „Goggo” se gebrom vir hom te veel geword het. Hy dink baie meer van **Stienie Esterhuizen** se geselskap, en daarom luister hy liewer na haar.

### VERLOOF

Gelukkig hoef 'n mens nie juis aan die raai te gaan oor **Prinsloo (Pottie) Potgieter** se omstandighede nie. Die ring aan **Lydia Human** se vinger verrai die verlowing. Baie geluk . . .!

Asof dit nie al genoeg is nie, wil ek julle ook nog vertel van **Elmar du Plessis** en **Maryna Hatting** wat verlede Saterdag na die huweliksklokkies gaan luister het. Hartlik geluk, en beste wense!

• All is fair in love and war. (Seker daarom dat „love” partykeer meer na „war” lyk?)

### ONZE OOM LOKOMOTIEF.

## VOLGENDE KOSHUIS

Die vraag na koshuisruimte is so groot dat die Raad van die Universiteit besluit het om, afgesien van die koshuis vir 150 manstudente wat tans in aanbou is, aanstaande jaar ook met 'n nuwe koshuis vir dames—voorlopig vir 84 kosgangers—te begin bou.

Die gebou sal soos van Klawerhof oppgerig word.

Hartstog is soos 'n vurige perd. Solank jy dit kan beheer, is dit goed, maar moenie dat dit handuit ruk nie. —LICHTWER.

## FORT HARE HEROPEN

Die meeste van die studente van die Universiteitskollege Fort Hare was op Woensdag 19 Julie teenwoordig toe die kollege heropen het nadat al die lesings aan die begin van Junie gestaak is as gevolg van oproerigheid onder die studente.

Geen voorvalle het by die opening plaasgevind nie.

Die kollege is op 2 Junie Junie gesluit nadat die studente 'n waarskuwing van die Universiteitsowerheid om nie met die staking voort te gaan nie, verontagsaam het. Die amptelike vakansie sou eers op 23 Junie begin het.

Na verneem word, word geen verdere stappe teen die studente beoog nie en almal is weer tot die inrigting toegelaat.

## ONDERSTEUN STAATMAKERS!

APTEKERS

## J. P. VAN DER WALT

(EDMS.) BPK.

POTCHEFSTROOM SE MODERNSTE APTEEK  
Kerkstraat 118 POTCHEFSTROOM Telefoon 929

# INTERVARSITY PROGRAM

MET INTERVARSITY NET om die draai publiseer Die Wapad hiermee die program vir die verrigtinge op 25 en 26 Augustus.

Die volgende uitgawe van Die Wapad sal op Vrydag, 25 Augustus verskyn, terwyl 'n spesiale Intervarsity-uitgawe met alle uitslae omstreeks agtuur die aand van 26 Augustus sal verskyn.

### VRYDAG, 25 AUGUSTUS

10.49 vm.	U.O.V.S. arriveer.	Cachet.
11.00 vm.	Tee funksie vir tennisspelers.	Kafeteria.
12.00 vm.	Middagete vir tennisspelers.	
1.15 nm.	Tennis.	P.U. en P.O.K.-bane.
7.00 nm.	Skaak.	Sielkundelaboratorium.
7.30 nm.	Debat.	Hoofgebousaal.
7.30 nm.	Pluimbal.	P.U.-Gimsaal.
7.30 nm.	Tafeltennis.	Studentesaal.

### SATERDAG, 26 AUGUSTUS

6.00 vm.	U.O.V.S. arriveer.	Cachet.
7.25 vm.	Oggendete.	
8.30 vm.	Dameshokkie II.	P.U. Damesveld.
8.30 vm.	Korfbal II.	P.U. Bane.
9.30 vm.	Dameshokkie I.	P.U. Damesveld.
9.50 vm.	Korfbal I.	P.U. Bane.
9.50 vm.	Rugby O/19 B.	P.U. A-veld.
9.50 vm.	Rugby III B.	P.U. B-veld.
10.45 vm.	Manshokkie I.	P.U. Damesveld.
11.00 vm.	Manshokkie II.	P.U. Mansveld.
11.00 vm.	Rugby III A.	P.U. A-veld.
12.00 vm.	Middagete: O/19 A-rugbyspelers.	
12.30 nm.	Middagete vir die res (spelers).	
1.00 nm.	Busse vertrek na Olënpark.	
1.15 nm.	Rugby O/19 A.	Olënpark A.
2.30 nm.	Rugby II.	Olënpark A.
3.00 nm.	Wegspring landloop.	Hoofgebou.
3.45 nm.	Voorstelling en heildronke.	
4.00 nm.	EERSTE SPANNE.	OLËNPARK A.
5.15 nm.	Busse vertrek vanaf park. (U.O.V.S. en U.O.V.S.-spelers)	
6.00 nm.	Aandete.	
7.00 nm.	KONSERT (GRATIS).	Studentesaal.
7.30 nm.	Dinee vir eerste rugbyspanne en eregaste.	
8.00 nm.	Intervarsity-uitgawe van Die Wapad verskyn.	
12.00 nm.	U.O.V.S. vertrek.	

## FIRES WEER BOBAAS

Fires het verlede Woensdag hulle goeie vertoning teen Lichtenburg herhaal deur Weermag met 20 punte teenoor nul te verslaan.

Dit was verblydend om te sien hoe die Fires-manne die bal rondgegooi het. Dit voorspel niks goeds vir U.O.V.S. in die komende Intervarsity.

### UITGEBLINK

Vir Fires het Naas Raubenheimer en Tiens Lindeque uitgeblyk terwyl Barend Lessing gesorg het dat Weermag nie veel van die bal uit die vaste skrum gekry het nie.

Hy het die bal soos klokslag van die vaskop sowel as loskop gehaak danksy die ondersteuning wat hy van sy voorspelers gekry het.

'n Mens bewaar 'n geheim die beste deur dit te vergeet.—COMTESSE DIANE.

Smart voel die beste in die geselskap van smart.—SHAKESPEARE.

Is u gekys? JA! VERLOOF? Nog nie . . . spreek dan

## EDDIE de BEER DIAMANTSLYPER

vir u

### VERLOOFRINGE

teen baie billike pryse  
U soek die diamant en ons set hom na u smaak

BEL: Tannie de Beer (De Klerk-huis) 2226, Potchefstroom OF

E. J. de Beer: 869-1260, Alberton

## Cachet Modes

(EDMS.) BPK.

TOMSTRAAT 92

TELEFOON 1389

POTCHEFSTROOM

Rokmateriaal --

veral roklengtes

NOMOTTA-WOL

in voorraad

# HOKKIESPAN TREE MET EER UIT STRYD OP TOERNOOI

**DIE DAMESHOKKIESPAN VAN DIE P.U.** het gedurende die afgelope Julievakansie aan die jaarlikse toernooi, wat hierdie keer op Grahamstad gehou is, deelgeneem. Hulle het redelik goed gevaar dog was nie instaat om verlede jaar se prestasie, om naamlik as kampioene uit die stryd te tree, te herhaal nie.

Die Pukdames het altesaam sewe wedstryde gespeel en slegs twee daarvan verloor. Dit was nl. teen die sterk span van die Ikeys en teen Natal Universiteit. Die uitblinkers in die span was veral die kapteine, Albertha Howell, en Rina Bierman, van die P.O.K.

Albei hierdie speelsters is dan ook gekies vir die Proteaspan terwyl Rina ook gekies is vir die Springbokspan teen die Britse toerspan. Die res van die span het egter nie laat slap lê nie en die sukses van die span kan in 'n groot mate toegeskryf word aan die samespel en die spangees wat daar in hul geleedere geheers het.

## OORWINNING

Die eerste wedstryd van die toernooi was die teen die sterk span van Stellenbosch. Die Pukke het aan die begin dan ook benoude oomblikke beleef, dog na rustyd het Rina Bierman 'n skitterende doel behaal om aan die Pukke die voortou en terselfdertyd die oorwinning te besorg. Die eindtelling was dan ook 1—0 in die Pukke se guns, 'n welverdiende oorwinning. Die pragtige samespel tussen Albertha Howell en Margarethe Bingle was een van die kenmerke van hierdie wedstryd.

Die wedstryd teen U.O.V.S. is in triestige weer afgespeel, dog ten spyte daarvan het die Pukdames vanuit die staanspoor in die doelgebied van die Kovsies geboer. Die eindtelling was dan ook 5—0 in die guns van die Pukke, dog dit kon veel hoër gewees het as al die kans benut is. Al die doele is deur die twee maakmakers, Howell en Bierman, aangeteken.

## IKEYS

Die dames was baie ongelukkig om eers vir Jeanne Venter kort na die aanvang van die wedstryd weens 'n oogbesering te verloor en kort daarna

vir Esté Martins weens 'n duimbeseering. Ten spyte van hierdie ongelyke stryd het die Pukke se rotsvaste en vasberade verdediging daarvoor ge-



Albertha Howell.

sorg dat die eindtelling slegs 1—0 was in die guns van die Ikeys.

Verskeie posisionele veranderinge in die span teen Natal het die kaart bietjie deurmekaar gekrap en die harde spel van Betsie Spöhr (wat die Puk se doel aangeteken het), Greta van der Merwe en Kleintjie Badenhorst kon nie verhoed dat die Natalers die wedstryd met twee doele teenoor die ten van die Puk wen nie.

## VERBETE STRYD

Die wedstryd teen Rhodes is in die gees van 'n Intervarsity afgespeel en die Pukke het met 2—1 geseëvier.

Die Pukdames het soos een man gespeel en dit het dan ook hul die oorwinning besorg. Vroeg in die eerste helfte het Margaretha Bingle op eie houtjie 'n doel gaan aanteken. Onmiddellik na rustyd het Rhodes egter kwaai aangeval en tien minute voor die einde die gelykmakende doel behaal. In verbete poging van die kant van die Pukke het tot gevolg gehad dat Betsie Spöhr die wendoel kon behaal.

Die wedstryd teen Tukkies het nie juis hokkie van 'n hoë gehalte opgelewer nie omdat die speelsters aan albei kante al effens tam was. Albertha en Rina het egter uitblink en saam met Betsie Spöhr gesorg vir die ses doele van die Pukke.

Die laaste wedstryd van die toernooi was teen Wits en albei spanne was vasberade om nie te verloor nie. Die spanne het dan ook om die beurt voorgeloopt totdat Greta van der Merwe die beslissende doel aangeteken het om die Pukke 3—2 te laat wen.

## NAVY KRY SLAE

In 'n toingrige wedstryd het die tweedespan van Lichtenburg daarin geslaag om die Navy met nege punte teenoor ses te klop.

Gebrek aan vuur onder die voorspelers en slaankrag onder die driekwarte was verantwoordelik vir die neerlaag van Navy, om nie die skopskoos van Willem Roux, 'n gereelde eerstespanspeler, te vergeet nie.

Die voorspelers speel nog gans te los en sonder vuur; dikwels bemeester hulle die bal net om dit aan die teenstanders af te staan.

Flip Wolhuter was hier die uitsondering en het sy stem dik gemaak om weer in die eerstespan ingesluit te word. Nie net was sy lynstaanwerk puik nie, dog ook in die los het hy dikwels die oog gevang.

Onder die agterspelers het Piet van der Schyff beïndruk met goeie verdediging en goeie skopwerk, dog hy het nie veel steun van sy mededriekwarte ontvang nie.

## S.A.-Universiteite Judo-Kampioenskappe

'n Span van vyf judoka het as individuele inskrywings aan die S.A.U. judokampioenskappe wat van 3-7 Julie op Stellenbosch gehou is, deelgeneem.

Die spanlede was: Willie van Aarde (oranje), Dirk Coetzee (ongegradeerd), Johan Neethling (ongegradeerd), Pieter Olivier (geel), en André Greeff (oranje).

Deurdat twee lede hulle most onttek, is die span aansienlik verswak. Veral die onttrekking van Chris Maritz, kaptein van die span, is swaar gevoel. Die plaasvervangers, Coetzee en Neethling, het hul egter goed van hul taak gekwyt.

## GOED VERTEENWOORDIG

Die Universiteite van Pretoria, Kaapstad, Natal, Stellenbosch, Witwatersrand en Potchefstroom was verteenwoordig. Kompetisie was deurgaans sterk en judo uit die hoogste rakke is gelewer. Op dié toernooi het dit weer eens duidelik geword dat studente-judo die rugsag van judo in die Republiek vorm. 'n Gekombineerde universiteite span het dan ook daarin geslaag om die sterk span van die W.P. te klop.

Al ses spanne het teen mekaar te staan gekom. Die Pukke het as volg gevaar.

Potchefstroom 4, Stellenbosch 6. Potchefstroom 0, Pretoria 9. Potchefstroom 0, Witwatersrand 4. Potchefstroom 3, Natal 6. Potchefstroom 1, Kaapstad 6.

Tukkies het daarin geslaag om vir die sesde agtereenvolgende keer die Intervarsity te wen. Die totale puntestand was as volg:

1. Pretoria 39.
2. Natal 21.
3. Wits 20.
4. Stellenbosch 19.
5. Kaapstad 12.
6. Potchefstroom 8.

Vir die Puk het André Greeff vyf en Willie van Aarde drie van die agt punte aangeteken. Pieter Olivier het vir 'n mooi vertoning gesorg deur gelykop te veg teen 'n eerste dan (swart gordel) judoka.

Die kampioenskappe het terselfdertyd as 'n gradering gedien waartydens Olivier 'n oranje gordel verwerf het.

Die Intervarsity sal aanstaande jaar in Kaapstad gehou word.

## Pukke Nog in Prentjie Vir Neseerbeker

**DEUR LICHTENBURG** Saterdag met 11 punte teenoor agt te klop het die Pukke verseker dat hulle minstens nog in die prentjie is in die kompetisies om die Neseerbeker.

Die uitwerking van die vakansie op die spelers was duidelik merkbaar, veral teen die einde van die wedstryd

opsig was dit veral die twee Van der Schyff-senters en vleuels Smous van der Westhuizen en Serfies Serfontein wat die aandag getrek het.

Jan van der Schyff speel vanjaar seker die beste rugby van sy loopbaan terwyl Johan soms briljant is, dog sal moet leer om nie te veel op eie houtjie te doen nie en om sy man laag te vat.

## OPKNAP

Hoewel baie veilig het Carl Grundlingh nie met sy ou vuur gespeel nie en sal hy beslis sy spel moet opknop. Dit kan egter toegeskryf word aan die lang aflê. In die doodsnikke van die wedstryd was daar egter een van sy kenmerkende brekkslae wat byna op 'n drie uitloop het.

Die voorspelers van die Puk het pragtig gespeel en veral die drie losvoorspelers en Herman Venter het dikwels die aandag getrek. Piet Bosman het weer sy ou vuur herwin terwyl Koos du Plooy nie meer langer uit die Wes-Transvaalse span gelaat kan word nie. Herman Venter het pragtig gespring in die lynstane en ook sy deel in die los gedoen.

## Wits-wedstryd Afgelas

Die jaarlikse wedstryd teen die Universiteit van Wits, wat verlede Woensdag op Johannesburg sou plaasvind, is op versoek van Wits afgelas.

Die moontlikheid dat die botsing nog sal plaasvind is baie skraal daar die Pukke 'n vol program het vir die res van die seisoen.

Dit is werklik jammer dat twee universiteite wat so naby aan mekaar geleë is, nie hul programme so kan reël dat hul mekaar op die rugbyveld kan ontmoet nie.

Sulke wedstryde kan net die gehalte van die spel aanhelp. 'n Mens kan maar net hoop dat daar in die toekoms aan die begin van die seisoen aan hierdie saak aandag geskenk sal word deur albei universiteite.

## Dames!

# PROTEA APTEEK

Spesialiseer in SKOONHEIDSMIDDELS:


- \* HELENA RUBENSTEIN
- \* Dr. PAYOT

KERKSTRAAT 86

## Dis nou vir jou lewe, hoor!... en DIS VIR JOU BIER!

**Gawe geselskap, geurige kos en koue Castle!**

As daar te kies en te keur op die tafel is en 'n man jou eerste watertand-lekker hap neem - is koue Castle dubbel welkom. Heerlike, skuimkoue Castle is geurrik aan smaak en kragryk aan goeie, gesonde bestanddele, daarby pas dit by iedere geleentheid. Geniet Castle - die keurbier vir louter plesier - in kannetjies of bottels.



SUID-AFRIKA SE UITSOEKBIER

Grant 345/5877-2A



Jan van der Schyff.

toe Lichtenburg die een aanval na die ander geleeds het en die Pukke lelik moes bontstaan.

Daar was trouens min te kies tussen die twee spanne totdat 'n lieflike skërbeweging tussen Jan en Johan van der Schyff op 'n drie deur laasgenoemde onder die pale uitloop het.

## VERVYF

Jan het vervyf en dit was dan ook die rustydelling. Na rustyd het eers Johan van der Schyff geslaag met 'n puik strafskep van 55 tree teen die wind in en toe met 'n drie wat deur Johan Serfontein aangevoer is.

Teen die einde van die wedstryd het Lichtenburg sterk aangeval en 'n strafdoel en 'n doel het hulle binne sig van 'n oorwinning gebring. Die Puk-verdediging het egter gehou en hulle kon as oorwinnaars van die veld stap.

## RONDEGEGOOI

Veral verblydend in die spel van die Pukke was die wyse waarop die bal rondgegooi is, en in hierdie

Gedruk deur Enslins, Potchefstroom, en uitgegee deur die P.U. vir C.H.O. Studenteraad.